

Autornan Arubiano Gregory y Tammy Richardson a presenta nan buki na St Maarten

ORANJESTAD - E rumanan Gregory Richardson y Tammy Richardson a tene un charla y a presenta nan buki di ensayo y poema tocante e districto di San Nicolas riba 18 di maart durante e celebracion di Himno y Bandera na St Maarten. E charla a tumaluga na Universidad di St Maarten y tawata parti di nan asina yama "lecture series" en combinacion cu e celebracion di Chuchubi Foundation, un organisacion di Arubiano biba na St Maarten. Chuchubi Foundation tawatin un siman yena cu diferente actividad, entre otro parada di auto, fiesta, sirbishi na misa y un ceremonia pa e Arubianonan cu a destaca na St Maarten. E siman a culmina cu un charla y presentacion di e buki.

E sala tabata completamente yen cu "St Maarteners" cu sea a nace na Aruba of tin relacion cu Aruba den un of otro forma. Den audiencia tawatin Prome Minister Sarah Wescot Williams, Prome Minister Suplente William Marlin, y Minister di Enseñansa, Cultura y Deporte señora Silveria Jacobs, kende a dirigi palabra na esnan presente. Su persona a papia tocante identidad y e relacion entre St Maarten y Aruba. E grupo di baile Imbali a presenta un baile unda a expresa e relacion entre Africa, St Maarten y Aruba. Den e charla a enfoca riba multilingualismo, versatilidad y e concepto di "Memoria Colectivo" unda a trece padilanti cu identidad no necesari-

amente ta wordo determina pa idioma, color of posicion geografico pero pa e memoria colectivo di e ser humano. A mostra e rol di musica y internet cu medianan social manera Facebook, cu FB-pages manera Yuh from San Nicolas if yuh.... den trece e memorianan aki hunto. Tambe a mostra e rol di e St Maarteners, na descendientenan y e otro migrantenan rond mundo den e desaroyo di Aruba cu nos conoce awe. Finalmente a mostra e imagenan di San Nicolas di antes, y dichonan di antes cu a trece bek hopi momentonan nostalgico. E feedback di esnan presente tambe tawata hopi positivo. A expresa orguyo pa finalmente wak nan storia poni riba papel



L pa R: Minister di Cultura sra Silveria Jacobs, Tammy Richardson, Prome Minister sra Sarah Wescot-Williams, y Gregory Richardson.

pa henter mundo por lesa. E anochi a culmina unda e autornan a lesa algun parti di e buki unda esnan presente

por a cumpra e buki. Un parti di e entrada a bay pa e grupo di baile Imabali na St Maarten. □